



**OSOKO BILKUREN ARETOKO PANTAIEN ETA KAMEREN HORNIKUNTZARAKO ETA
INSTALAZIORAKO LEHIAKETARI DAGOZKION ADMINISTRAZIO-KLAUSULA BEREZIEN ETA
KLAUSULA TEKNIKOEN AGIRIA**

AURKIBIDEA

I.- KONTRATUAREN XEDEA ETA ALDERDI OROKORRAK

- 1.- Kontratuaren xedea
- 2.- Arauak
- 3.- Kontratuaren aurrekontua, kreditua izatea eta kontratuaren prezioa
- 4.- Prezioak berraztertzea
- 5.- Hornikuntzaren iraupena
- 6.- Esleitzeko prozedura eta modua

II.- PROPOSAMENAK AURKEZTEA ETA BEHARREZKO DOKUMENTAZIOA

- 7.- Proposamenak aurkeztea eta beharrezko dokumentazioa
 - 7.1.- Arau orokorrak
 - 7.2.- Aurkezteko epea eta modua
 - 7.3.- A gutun-azala: Proposamen ekonomikoa, baloratu beharreko esleitze-irizpideei buruzko dokumentazioa formula eta dokumentazio teknikoarekin
 - 7.4.- B gutun-azala: Dokumentazio administratiboa, bai eta gaitasunari eta kaudimenari buruzkoa ere.
 - 7.5.- C gutun-azala: Balio-iritziaren bidez baloratu beharreko irizpideei buruzko dokumentazioa
 - 7.6.- Eskainitako ereduak aztertzea eta dokumentazioa egiaztatzea
 - 7.7.- Aurkeztu beharreko dokumentazioari buruzko azalpenak.

III.- LIZITAZIOAREN ETA ESLEIPENAREN BERARIAZKO KLAUSULAK

- 8.- Lizitazioaren eta esleipenaren berariazko klausulak
 - 8.1.- B gutun-azala irekitzea eta kalifikatzea, C gutun-azalarekin batera, kasua hori bada
 - 8.2.- A gutun-azalean jasotako proposamen ekonomikoa jendaurrean irekitzea
 - 8.3.- Txosten teknikoak
 - 8.4.- Lehentasunak esleitzean
 - 8.5.- Behin-behineko esleitzeko proposamena
- 9.- Kontratuaren behin-behineko esleipena
 - 10.- Kontratua behin betiko esleitzea
 - 11.- Esleipenak jakinaraztea eta publikizatzea

IV.- KONTRATUA FORMALIZATZEA

- 12.- Kontratua formalizatu aurreko betebeharrak
- 13.- Kontratua formalizatzea

V.- KONTRATUA EGIKARITZEA

- 14.- Egikaritzearen zuzendaritza eta ikuskaritza
- 15.- Kontratua egikaritzeari buruzko arau orokorrak:
 - 15.1.- Entrega egiteko lekua eta epea
 - 15.2.- Kontratuaren iraupena eta entrega-epeak
 - 15.3.- Ondasunak ordezkatzeko
 - 15.4.- Hurrenez hurrengo entregean zenbatekoa
 - 15.5.- Instalazioa
 - 15.6.- Ondasunak eta jarraibideak jasotzea
 - 15.7.- Administrazioaren berandutza jasotzea
 - 15.8.- Galerak edo kalteak entrega egin aurretik
 - 15.9.- Entrega-, garraio- eta instalazio-gastuak
- 16.- Kontratatuen beste betebeharrak
- 17.- Fabrikazio-prozesuko akatsak konpontzeko betebeharrak
- 18.- Administrazioaren ahalak
- 19.- Enpresa kontratistari egin beharreko ordainketak
- 20.- Kontratua aldatzea eta etetea
- 21.- Kontratua lagatzea eta azpikontratzea



VI.- KONTRATUA AMAITZEA

22.- Hornikuntza jasotzea

23.- Berme-epea

24.- Kontratua kitatzea

25.- Kontratua azkentzea

26.- Bermea itzultzea

27.- Epeak ez betetzea

VII.- ERREKURTSOAK. ADMINISTRAZIOAREN ESKUBIDEAK ETA JURISDIKZIO ESKUDUNA

28.- Errekurtsoak. Kontratazio-arloko errekurtsu berezia

29.- Administrazioaren eskubideak eta jurisdikzio eskuduna



I.- KONTRATUAREN XEDEA ETA ALDERDI OROKORRAK

1.- KONTRATUAREN XEDEA

1.1.- Oinarri teknikoaren agirian jasota datozen produktuak edo ondasunak erostea, eskuratzea eta, beharrezkoa bada, instalatzea da kontratu honen xedea. Azaleko orriko 1. puntuan daude zehazturik produktu eta ondasun horiek.

1.2.- Azaleko orriko 1.6 puntuak baimentzen baldin baditu, eskaintza egiten dutenek puntu horretan azaldutako elementu, baldintza eta modalitateei erantzungo dieten bariantek eskaini ahal izango dituzte, eta puntu horretan bertan zehaztutako gehienezko kopuruan.

2.- ARAUAK

2.1.- Kontratuak ondorengo arauak bete beharko ditu:

- a) Administrazio klausula berezien agiri honetan jasota dauden klausulak –azaleko orrian dago zehazturik nola- eta oinarri teknikoaren orriko aginduak.
- b) LCSP. Sektore Publikoko Kontratuei buruzko urriaren 30eko 30/2007 Legea.
- c) RGLCAP. Herri Administrazioen Kontratuei buruzko Legearen Erregelamendu Orokorra, urriaren 12ko 1098/2001 Errege Dekretuaren bidez onetsitakoa, Sektore Publikoko Kontratuei buruzko legeak xedatutakoaren kontra ez dagoen neurrian.
- d) Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legea.
- e) Estatuko nahiz Euskal Autonomia Erkidegoko kontratazioa arautzen duen beste edozein xedapen, erkidego horren esparruan aplikatzekoa bada.

2.2.- Kontratuaren zehaztasunak, kontratuari erantsitako agiriak edo Eusko Legebiltzarrak onartutako jarraibide, klausula-orri edo era guztietako arauak ezagutu gabe ere, hitzartutakoa betetzeko erabili beharrekoak gerta badaitezke, kontratistak horiek guztiak betetzeko obligazioa izaten jarraituko du.

3.- KONTRATUAREN AURREKONTUA, KREDITUA IZATEA ETA KONTRATUAREN PREZIOA

Eusko Legebiltzarrak egindako aurrekontuaren zenbatekoa azaleko orriko 9. puntuan ageri dena da; zenbateko hori, kasua hori bada, 10. puntuan aurreikusitako urtekako ordainkizunetan zatituko da.

3.2.- Administrazioak badu kontratu honen obligazio ekonomikoei aurre egiteko beste kreditu, hain zuzen ere, agiri honetako azaleko orriaren 10. puntuan aipatzen den aurrekontuko diru-izendapenari esker.

3.3.- Kontratuaren prezioa kontratua esleitzearen ondorioz ateratzen dena izango da eta ezingo da Eusko Legebiltzarrak jarritako aurrekontua baino handiagoa izan.

4. PREZIOAK BERRAZTERTZEA

4.1.- Enpresa kontratistak hartuko ditu bere gain kontratua betetzearen arriskuak.

4.2.- Dena den, prezioak berrikusteari dagokionez, agiri honen azaleko orriko 15. puntuan esaten dena bete beharko da, eta LCSPko II. Kapituluko III. Tituluak eta RGLCAPeko konkordanteek ezarritakoa ere bete beharko da.

4.3.- Azaleko orriak jasotzen ez badu prezioak berraztertzea, zirkunstantzia hori ez da aldatuko egikaritze-eparearen luzapenagatik betiere luzapen horren zergatia ez bada Eusko Legebiltzarrari egozteko modukoa edo ezinbesteko kasuak gertatu izana, ezinbesteko kasutzat Sektore Publikoko Kontratuen Legeko 214. artikulua ezarritakoak hartuz.

4.4.- Azaleko orriak prezioak berraztertzea jasotzen badu, prezioen berraztertze hori egiteko, kontratuari dagokion kostuaren % 20ak burututa egon behar du eta esleitu zenetik urtebete igarota; beraz, ez % 20a ez eta hasi zenetik urtebete igaro artekoa ere, ezin izango dira berraztertu.



5.- HORNIKUNTZAREN IRAUPENA

5.1.- Kontratua betetzeko gehienez ere zenbateko epea egongo den edo kontratuak gehienez ere zenbat iraungo duen klausula-agiri honen azaleko orriaren 11. puntuan egongo da jasota, eta tarteka bete beharreko epeei dagokienez, puntu horietako 11.1 puntuak dioena bete beharko da.

5.2.- Kontratua luzatu ahal izateko, kontratuak berak izan behar du berritzeko modukoa. Luzatzeko aukera horrek edo horiek klausula-agiri honen azaleko orriko 12. puntuan egon behar dute jasota, baina kontratuaren iraupena guztira, luzapenak barne, ezingo da lau urte baino luzeagoa izan, eta luzapenak ezin dira erabaki, bakarka nahiz osotara, hasieran ezarri epeaz harago.

6. ESLEITZEKO PROZEDURA ETA MODUA

Kontratu hau esleitzeko, Sektore Publikoaren Kontratuen Legeko 122. artikularen 2. puntuak aurreikusi eta lege-testu horretako 141. eta ondorengo artikuluek garatutako prozedura irekia erabiliko da.

II.- PROPOSAMENAK AURKEZTEA ETA BEHARREZKO DOKUMENTAZIOA

7.1.- ARAU OROKORRAK

Kontratuaren xede den lizitazioan -eta aurrerago zehazten den moduan- eskaintzak aurkeztu ahal izateko, pertsona fisikoa edo juridikoa izan daiteke, espainiarra edo atzerritarra. Halaber, jarduteko gaitasun osoa eduki beharko du, bai eta kaudimen ekonomiko, finantzario eta tekniko-profesionala egiaztatu ere.

Proposamenak aurkezteak esan nahiko du lizitatuzaileak klausula-agiri honetan eta azaleko orrian esaten den guztia baldintzarik gabe onartzen duela, eta orobat kontratuaren gainontzeko dokumentu guzti-guztietan esaten dena ere onartzen duela. Gainera, aurkeztutako datu guztiak zehatzak direla adierazten duela ulertuko da, eta prestazioa kontratatze eskatutako baldintza guzti-guztiak betetzen dituela.

Lizitatuzaile bakoitzak ezingo du aurkeztu proposamen bat baino gehiago (hori horrela izanik ere, azaleko orriak bariantek baimendu ditzake kasua hori bada) ez banaka ez aldi baterako enpresa-elkarte bateko kide gisa, eta banaka lizitatu nahi duenak ezin izango du proposamenik izenpetu beste pertsona batzuekin aldi baterako elkartean. Arau horietakoren bat hausten bada, onartu barik geratuko dira lizitatuzaileek arau horiek hautsiz izenpetutako eskabide eta eskaintza guztiak.

Kontratu honen zehaztasun teknikoak idazten, kasua hori bada, parte hartu duten enpresek ezin izango dute prozedura honetan parte hartu, parte hartze horrek lehia libreari oztopoak jartzen baldin badizkio edo gainerako enpresek in alderatuta enpresa horren aldeko pribilegioak sortzen baditu.

7.2.- AURKEZTEKO EPEA ETA MODUA

Lizitazio honetan parte hartzeko, proposamena egin behar dutenek aurkeztu egin beharko dituzte -betiere lizitazioaren iragarkian zehaztutako epean eta klausula-agiri honen azaleko orriko 32. puntuan zehazten den lekuan- bi gutun-azal itxi (A eta B) esleitze-irizpide bakarra dagoenean edo hiru gutun-azal (A, B eta C) irizpide bat baino gehiago daudenean, salbu eta agiri honetako 7.3.5 klausulan (balorazio-fase ezberdinak) aurreikusitako kasuan, orduan gutun-azal gehiago izango baitira. Gutun-azal bakoitzaren barruan aurrerago zehaztuko den dokumentazioa joango da, eta gutun-azal bakoitzean ondokoak adieraziko dira: zer hornikuntza-kontratutara lizitatu nahi den, kasua hori bada, lotea edo loteak, enpresaren izena, proposamena sinatzen duenaren izen-abizenak eta nolako izaerarekin sinatzen duen, helbidea, telefono zenbakia, fax zenbakia eta posta elektronikoaren helbidea, dena ere argi irakurtzeko moduan adierazia. Gutun-azalek lizitatuzaileak edo haren ordezkariak sinatuta egon beharko dute, nahitaez. Enpresa batzuek aldi baterako enpresa-elkartean elkarturik lizitatzen badute, enpresa horiek guztiak beharko dituzte gutun-azalak sinatu.

Dokumentazioa postaz bidaliz gero, lizitatuzaileak postetxean bertan egiaztatu beharko du dokumentazioa bidali deneko eguna, eta kontratazio-organoari jakinarazi beharko dio proposamena posta bidez bidali dela azaleko orriaren 31.1 puntuan aipatutako bideetakoaren bat erabiliz. Bi egitekoak (dokumentazioa bidaltzea eta hori bidali izana kontratazio-organoari jakinaraztea) iragarkian adierazitako aurkezte-epea bukatzen deneko data eta ordua baino lehen egin beharko dira. Bi baldintzak bete ezean, dokumentazioa ez da



onartuko, baldin eta esaniko aurkezte-epaia bukatzen deneko data eta ordua igarotakoan jasotzen bada. Dena den, aipatutako egun horretatik hamar egun natural iragan badira dokumentazioa jaso gabe, inolaz ere ez da onartua izango proposamen hori.

Jakinarazte hori kontratazio-organoari posta elektronikoz eginez gero, baliorik izango baldin badu, derrigorrezkoa da argi jasota egotea bai bidali izana bai jaso izana, bai datak bai komunikazioetako eduki osoa, eta ondo identifikaturik egotea zein diren bai bidaltzailea bai jasotzailea. Halakoetan, kopia bat inprimatu, eta erregistratu egin beharko da. Gero, espedienteari erantsi beharko zaio.

7.3.- "A" GUTUN-AZALA: PROPOSAMEN EKONOMIKOA, BALORATU BEHARREKO ESLEITZE-IRIZPIDEEI BURUZKO DOKUMENTAZIOA FORMULA ETA DOKUMENTAZIO TEKNIKOAREKIN

Orri bereizi batean gutun-azalaren barruan dauden guztien zerrenda ekarriko du, zenbakiz azalduta, eta, gainera, ondoko dokumentuak:

7.3.1.- Proposamen ekonomikoa.- Proposamen ekonomiko bakarra aurkeztuko da lizitatzen duenak edo eta haren ordezkariak sinaturik (aldi baterako enpresa-elkarte baten bidez lizitatuz gero, aldi baterako enpresa-elkartearen bidez lizitatzen duten enpresa guztietako ordezkariak sinatu beharko dute). Proposamen ekonomiko hori agiri honetako I. eranskin gisa agertzen den ereduaren arabera idatzi beharko da. Halaber, eskainitako prezioaren barruan kontzeptu guztiak sartuko dira, are zeinahi zerga-sistematako zerga, gastu, tasa eta ariel guztiak, bai BEZa, eskubideak, ordaindu beharreko gastu-mota guztiak, garraio- eta entrega-gastuak eta, kasua hori bada, instalatze-gastuak, eta ondasunak eman eta onartu arteko beharrezko aseguru, muga-zerga, lizentzia eta baimenak, eta baita kontratistaren irabaziak ere.

Agiriaren azaleko orrian barianteak aurkeztea baimentzen denean, oinarriari buruzko proposamen ekonomikoaz gain, gutun-azal horren barruan proposamen ekonomiko bat ere sartu liteke lizitatzailerak formulatutako bariante bakoitzeko. Bariante bakoitzari dagokion proposamen ekonomikoa ere I. eranskinean agertzen den ereduaren arabera egingo da eta aurreko paragrafoan adierazitako kontzeptuak eta baldintzak jasoko ditu.

Aleko prezioak eta beste erlazio batzuk. Proposamen ekonomikoaren erudian eta batera doan eranskinean hala jarritz gero, ondasunen aleko prezioak ere sartu beharko dira, edo eta esaniko eranskinak kasuan-kasuan eskatutako beharrezko erlazioa.

7.3.2.- Ondasunen ezaugarriak argi eta labur agertzen dituen azalpena, marka, mota eta modeloa zehaztuta.

Eskaintza hobeto ezagutzeko, deskripzio-planoak, eskemak eta argigarri den beste edozein informazio sartu ahal izango da azalpen horretan. Kontratazio honi dagokionez, kontsultatzeko material lagungarritzat joko dira eskaintzen diren ekipo edo materialei buruzko liburuxkak.

7.3.3.- Azaleko orriko 34. puntuan jarri eta formulen bidez baloratzeko moduko esleitze-irizpideak baloratzeko dokumentuak.

Gutun-azal honetan sartuko da azaleko orriko 35. puntuan eskatzen den dokumentazioa.

Ezarrirako esleitze-irizpideen artean "beste hobekuntza batzuk" kontzeptua ageri baldin bada, hau da, "esleipena egiteko bestelako irizpideetan xedatutako eta sartu gabeko betebeharrei gehitutako prestazioak", ondokoa hartuko da kontuan:

- Aipatutako hobekuntzek ez dute gehituko kontratuaren prezioa, II. eranskineko ereduaren arabera eskainiko dira, eta kontratuaren parte izango dira Eusko Legebiltzarrak berariaz onesten baldin baditu.
- Hobekuntza horiek, kontzeptuaren enuntziatuan jasotako ezaugarriekin, libreki eskaini ahal izango dira salbu eta azaleko orriko 34.1 puntuak muga eta baldintza zehatzak ezartzen baditu, kasu horretan muga eta baldintza zehatz horiek errespetatzen ez dituzten hobekuntzak ez baitira aintzat hartuko.



- Nolanahi ere, eskaintako hobekuntzetako bakoitza beregainekotzat jotzen da; beraz, kontratazio-organok aukeran izango du kontratuaren barruan hobekuntzetako bat, batzuk edo eta bat ere ez sartzea.

7.3.4.- Klausula-agiri honen azaleko orriko 1.6 puntuak baimentzen duenean, barianteak aurkeztu nahi dituzten lizitatzailleek, proposamen ekonomikoarekin batera, aurkeztutako barianteei buruzko dokumentuak ere sartu beharko dituzte gutun-azal honetan.

7.3.5.- Balorazio faseak. Azaleko orriko 34.4 puntuak esleitze-irizpideak baloratzeko fase bat baino gehiago jasotzen baldin baditu, «A» gutun-azalean bakar-bakarrik oinarritzko proposamen ekonomikoa sartuko da, eta kasua hori bada barianteei dagozkienak, bai eta, kasua hori bada, I. eranskinak dakarren ereduak exijituriko aleko prezioak edo eta beste erlazio batzuk ere. Gainera, jarritako balorazio-fase adina gutun-azal aurkeztuko dira (prezioari dagokiona izan ezik). Gutun-azal horietako bakoitzean balorazio-fase bati dagokion dokumentazioa sartuko da. Gutun-azal bakoitzak dagokion balorazio-fasea identifikatuko du bai azaleko orriko 34.4 puntuan izendatutako balorazio-fasearen zenbakia, eta bai agiri honetako 7.2 klausulan zehaztutako gainerako datuak ere aipatuz.

7.3.6.- Beharrezkoa irudituz gero, enpresak azaldu ahal izango du, VI. eranskinak dakarren ereduari jarraituz, gutun-azal honetan sartutako eskaintzaren informazio eta alderdietatik zein jotzen dituen isilpekotzat sekretu tekniko edo komertzialei lotuta egoteagatik. Hala ere, egindako proposamen ekonomikoa inoiz ez da isilpekoa izango.

7.4.- "B" GUTUN-AZALA: DOKUMENTAZIO ADMINISTRATIBOA, BAI ETA GAITASUNARI ETA KAUDIMENARI BURUZKOA ERE.

Ondotik azaltzen diren dokumentuak izango ditu. Betiere, beste orri batean, haien edukiaren zerrenda bat ere jaso beharko du, zenbakiz enuntziatua.

7.4.1.- Norberaren izenean edo besteren ahalorde modura izanik proposamena aurkezten duen pertsonaren nortasun-agiri nazionala.

7.4.2.- Lizitatzaila persona juridikoa bada, Merkataritzako Erregistroan harturiko eraketa-eskriturak edo aldaketen eskriturak. Agiriok aurkeztu beharko dira baldin eta merkataritzako legeek Merkataritza Erregistroan izena emanda egoteko agintzen badute. Merkataritza-legeek Erregistroan izena emateko agindu ezean, hauetako bat aurkeztu beharko du lizitatzailleak: sorrerako eskritura edo agiria; aldaketen agiria; estatutuak edo, bestela, jarduerak bete beharreko arauak jasotzen dituen sorrera-egintza, biak ere dagokion erregistro ofizialean inskribatuak.

Enpresariak egiaztatu egin beharko dute kontratuak xede duen jarduera edo prestazioa egiteko, kasua hori bada, eskatu beharreko enpresa- edo lanbide-mailako gaitzea.

7.4.3.- Lizitatzaila ez baldin bada bere izenean ari, edo sozietate edo pertsona juridikoren bat baldin bada, ahalordetzea aurkeztu beharko du, ordezkatzeko duen sozietatearen edo entitatearen ordezeko agertzeko adinakoa. Ahalorde horrek Merkataritza Erregistroan egon beharko du behar bezala inskribatuta. Merkataritza Erregistroko Arautegiko 94.1 artikuluan xedaturikoaren arabera, ahalordetzea hori egintza jakin baterako bada, ez du Merkataritza Erregistroan jasota egon beharrik.

7.4.4.- Agiri bat, berariaz aipatuz kontratu zehatzaren erreferentzia, enpresari Sektore Publikoko Kontratuen Legeko 49. artikuluko 1. eta 2. lerroketan kontratuak egiteko ezarritako debekuetako batek ere ez diola eragiten egiaztatzeko. Egiaztapen hori lekukotza judizial edo administrazio-egiaztagiriri bidez egin ahal izango da, kasuak kasu. Agintaritza eskudunak ezin baldin badu dokumentu hori eman, horren ordeztu erantzukizunpeko adierazpena aurkeztu ahal izango da (IV. eranskina), agintaritza administratibo, notario publiko edo erakunde profesional kualifikatu baten aurrean emandakoa.

Erantzukizunpeko adierazpen horretan, lizitatzailleak berariaz aipatu beharko du beteak dituela indarrean dagoen legeriak ezarritako zerga-betebeharrak eta Gizarte Segurantzarekikoak. Hala ere, kontratuaren esleipendun izango den enpresari behin-behineko esleipena egitearekin batera exijituko zaio zerga-betebeharrak eta Gizarte Segurantzarekikoak beteak izatearen egiaztapena, hurrengo lerrokadan aurreikusten den moduan. Gehienez ere hamabost egun baliodun emango zaio horretarako.

7.4.5.- Kontratisten Erregistro Ofizialari eta sailkapenak ezartzeari buruzko otsailaren 3ko 12/1998 Dekretuak arautzen duen Kontratisten Erregistro Ofizialean izena emanda duten enpresek, kontratatzeko



gaitasuna dutela egiaztatzen duen indarreko agiriaren kopia aurkeztu beharko dute. Egiaztatze hori erregistroko legelari arduradunak eman beharko du. Horrela eginda, lizitatuak ez dute aurkeztu eta egiaztatu beharrik izango klausula-agiri honetako 7.4.1, 7.4.2, 7.4.3 eta 7.4.4 puntuetan zehazten diren dokumentuak eta zehaztasunak.

Kontratisten Erregistro Ofizialaren egiaztatzea aurkeztuagatik, 7.4.7 eta 7.4.8 klausuletan aurreikusitako dokumentuak ere aurkeztu beharko dituzte, bai eta 7.4.8 puntuak aipatutako jardura ekonomikoaren gaineko zergaren matrikulan baja emanda ez egotearen erantzukizunpeko adierazpena ere.

Aurreko lerrokatetan jasotako balio bera eta ondorio berak eman beharko zaizkio Estatuko Lizitatuak eta Enpresa Sailkatuen Erregistro Ofizialean inskribatua egoteari.

7.4.6.- Jardura ekonomikoaren gaineko zergari dagokionez, ekitaldi honetako alta, edo azken ordainagiria, kontratuaren xedea adierazten duen epigrafean, betiere enpresak zerga horrekin zerikusia duten jarduerak egiten baditu, edo aurkezte-datan burutzen ari diren jarduerari dagokionez, jardura horiek burutzen dituzten lurralde-eremuan burutzeko ahalmena ematen diena. Altaz edo azken ordainagiaz gain, esaniko zergaren matrikulan baja eman ez izanaren erantzukizunpeko adierazpena ere aurkeztuko da.

7.4.7.- Kaudimenari buruzko baldintzak egiaztatzeko dokumentazioa edo harekin batera aurkeztu beharrekoa:

Kaudimen ekonomiko eta finantzarioari eta kaudimen teknikoari buruzko baldintzak betetzen direla egiaztatzen duen dokumentazioa ere aurkeztu beharko da, agiri honetako azaleko orriko 33. puntu horretan xedatzen den arabera.

Azaleko orriko 33.2 puntuak aipatutako III. eranskinak exijitzen baldin badu bitarteko pertsonal eta materialak atxikitzeko konpromisoa, Sektore Publikoko Kontratuen Legeko 53. artikulua bigarren paragrafoan aurreikusia, lizitatuak sinaturik aurkeztu beharko du baliabideak atxikitzeko konpromiso hori zeinak, gutxienez, III. eranskinak dakartzan baliabide pertsonal eta materialak jasoko dituen.

Agiri honetako 8.4 klausulak jasotako esleitze-lehentasunak aplikatzeko eta egiaztatzeko, ondoko dokumentuak ekarri beharko dira:

1. Esaniko klausulako a) idatz-zatian aipatutako lehentasunerako, Gizarte Segurantzako TC2 dokumentua –enpresa osatzen duen pertsonala egiaztatzen duena– eta hautagaiak sinatutako adierazpena aditzera emanez zenbat langilek duten % 33 edo gehiagoko ahalmen-urritasuna, haien NAN zenbakiak ere azaltzen dituen.
2. Esaniko klausulako b) idatz-zatian aipatutako lehentasunerako, Sektore Publikoko Kontratuei buruzko Legearen seigarren xedapen gehigarrian jasotako kolektiboetako pertsonekin gutxienez lanpostuen % 30 kontratatzeko lizitatuaren konpromiso formalak, eta Enplegua Ugaltzeari eta Haren Kalitatea Hobetzeari Begira Lan Merkatuaren Erreformatarako Premiazko Neurriei buruzko uztailaren 9ko 12/2001 Legearen bederatzigarren xedapen gehigarrian xedatutakoa betetzen duela egiaztatzen duen egiaztatzea.
3. Delako klausulako c) idatz-zatian aipatutako lehentasunerako, erakundea bidezko merkataritzakoa dela egiaztatzen duena.
4. Delako klausulako d) idatz-zatian aipatutako lehentasunerako, dagokion erregistro ofizialean inskribatuta egotea.

Eta orokorrean, gainera, lehentasuna aplikatzeko legediak eskatzen dituen baldintzak betetzen dituela egiaztatzen duten dokumentuak.

7.4.8.- Azaleko orriko 17.1 puntuak hala eskatzen duelarik, lizitatuak behin-behineko bermea utzi beharko du, eta hori ezingo da izan kontratuaren aurrekontuaren % 3 baino gehiagokoa.

Bermea esku-dirutan edo zor publikoaren balioetan osatu ahal izango da. Berme hori, bestalde, banku, aurrezki-kutxa, kreditu-kooperatiba edo elkarren bermerako sozietate batek emandako abal bidez ere osatu ahal izango da, behar bezala baimendutako erakundeak baldin badira. Baita kauzio-aseguru baten kontratu bidez ere, baldin eta aseguru hori Espainian kauzioaren arloan jarduteko baimena duen aseguru-etxe batek emandakoa bada.



Dirua, tituluak, egiaztagiria, abala edo kauzio-aseguruaren kontratuaren poliza Eusko Legebiltzarreko diruzaintzan ezarriko dira.

Behin-behineko bermearen orde, Eusko Legebiltzarreko diruzaintzak emandako egiaztagiria aurkeztu ahal izango da, eta egiaztagiri horretan hau adierazi beharko da: berme orokorra badagoela, berme hori nahikoa dela eta egin beharreko bermeari dagokion kopurua ibilgeturik dagoela.

7.4.9.- Beharrezkoa irudituz gero, enpresak azaldu ahal izango du, V. eranskinak dakarren ereduari jarraituz, gutun-azal honetan sartutako eskaintzaren informazio eta alderdietatik zein jotzen dituen isilpekotzat sekretu tekniko edo komertzialei lotuta egoteagatik.

7.4.10.- Baldin eta hainbat enpresa aldi baterako enpresa-elkarte bat eratuta aurkezten badira lizitaziora, enpresa horietako bakoitzak egiaztatu beharko du baduela jarduteko gaitasuna eta baduela kaudimena, aurreko klausuletan jarritakoari jarraituz, hau da, B gutun-azalari dagokion dokumentazioa kide guzti-guztiek aurkeztu beharko dute, salbu eta behin-behineko bermea zeina enpresa horietako batek edo batzuek osatu ahal izango baitute, betiere guztira agiri honetako azaleko orriko 17. puntuan eskatzen den kopurura iristen bada eta aldi baterako elkarte osatzen duten enpresa guztiei solidarioki bermatzen bazaie.

Aldi baterako elkarte bidez lizitatzen dutenek proposamen-idazki bat ere aurkeztu beharko dute non adieraziko baitira elkarte hori sinatzen duten enpresen izenak eta egoera, nola parte hartzen duen bakoitzak eta zer pertsona fisiko izendatzen duten ordezkari edo ahalorde. Ordezkari edo ahalorde horrek bakarrik izan beharko du eta behar besteko boterea beharko du kontratutik sortutako eskubideak gauzatu eta betebeharrak bete ahal izateko. Dena den, era berean, botere mankomunatuak ere izan litezke, kopuru handiak eskuratu edo ordaindu behar direnetarako. Esleipena eskuratuz gero aldi baterako enpresa-elkarte formalki osatuko dutela ere adierazi beharko da. Elkarteko enpresa bakoitzeko ordezkariak izenpetu beharko dute dokumentu hori. Kontratua aldi baterako elkarteari esleitzen baldin bazaio, orduan bakarrik egin beharko da elkarte eratzeko eskritura publikoa.

7.5.- "C" GUTUN-AZALA: BALIO-IRITZIAREN BIDEZ BALORATU BEHARREKO IRIZPIDEEN BURUZKO DOKUMENTAZIOA

Gutun-azal honetan azaleko orriko 35. puntuan zehaztutako dokumentazioa sartuko da, balio-iritziaren bidez baloratu beharreko irizpideei buruzkoa.

7.6.- ESKAINITAKO EREDUAK AZTERTZEA ETA DOKUMENTAZIOA EGIAZTATZEA.

Eskaintzen diren eredu guztiak aztertu ahal izango dira, horrela ebatzen badu Eusko Legebiltzarrek. Lizitatuzaileek esango zaien egoitzara eramateko konpromisoa hartuko dute.

Eusko Legebiltzarrek egiaztatu ahal izango du, bai kontratua esleitu aurretik bai ondoren eta bai kontratua indarrean dagoela ere, gutun-azalaren sartutako dokumentuak egiazkoak direnez. Enpresak emandako datuak eta zehaztasunak gezurrezkoak badira, hori kontratua deuseztatzeko arrazoi izan daiteke, kasua hori bada, enpresa lizitatuzaileari egozteko moduko hutsegitea izateagatik. Horrek behin-behineko bermea galtzea ekarriko du, edo, kasua hori bada, berme horren adinako kalte-ordaina ordaindu beharra bermerik jarri ez bada edo jartzeko exijitzen ez bada agiriaren azaleko orriko 17. puntuan. Gainera, eragindako kalte eta galerak bermetzat jarritako kopuruaz gorakoak badira, Eusko Legebiltzarri bermeaz gorako alde hori ere ordaindu beharko zaio.

7.7.- AURKEZTU BEHARREKO DOKUMENTAZIOARI BURUZKO AZALPENAK.

7.7.1.- Lizitatuzaileak eskatzen diren dokumentuen jatorrizkoak edo haien kopiak aurkeztu ahal izango ditu; kopiak aurkezten badira, Eusko Legebiltzarrek edo notarioren batek behar bezala konpultsatuta egon beharko dute, behin-behineko bermea izan ezik..

7.7.2.- Diruzaintzan ez da behin-behineko bermerik jarri beharko berme hori abal baten bidez edo kaudimeneko aseguru-kontratuaren bidez egin denean. Horrelakoetan, kontratazio-organoaren aurrean jarriko da berme hori.



7.7.3.- Esleitzearen kontrako errekurtsioak aurkezteko epea amaitu eta ez baldin badu inork bat ere aurkeztu, proposamenekin batera doazen dokumentuak lizitatu dutenen eskura geratuko dira.

Hala ere, behin betiko esleipena emanda hiru hilabeteko epea igaro ostean, Eusko Legebiltzarrak erabaki ahal izango du lizitatu dutenek aurkeztutako dokumentuak desegitea, baldin eta lizitatzailleok ez badute dokumentazio hori jaso.

7.7.4.- Espainiakoak ez baina Europar Batasunekoak diren enpresek nahiz atzerriko gainerako enpresek B gutun-azalean aurkeztu beharreko dokumentuei dagokienez, klausula-agiri honetako VI. eranskinean esaten dena bete beharko da.

7.7.5.- Aurkeztutako dokumentazioak Autonomia Erkidegoko bi hizkuntza ofizialetako batean (euskaraz edo gaztelaniaz) idatzita beharko du egon. Beste hizkuntza batean idatzita baldin badago, dagokion itzulpen ofiziala ere aurkeztu beharko da.

III.- LIZITAZIOAREN ETA ESLEIPENAREN BERARIAZKO KLAUSULAK

8.- LIZITAZIOAREN ETA ESLEIPENAREN BERARIAZKO KLAUSULAK.

8.1.- "B" GUTUN-AZALA IREKITZEA ETA KALIFIKATZEA, "C" GUTUN-AZALAREKIN BATERA, KASUA HORI BADA

Kontratazioko mahaiak, aldezturik, B gutun-azalaren edukia aztertuko du, eta, lehenengo eta behin, garaiz eta behar bezala lizitatu dutenek aurkeztutako dokumentuak kalifikatuko ditu.

Kontratazio-mahaiak, dokumentu horietan, konpontzeko moduko akatsik edo hutsik ikusten badu, lizitatu dutenei jakinaraziko die, ahoz. Horrez gainera, aipatutako organo kolegiatuak jendaurrean jakinarazi beharko ditu akats edo huts horiek, iragarki bidez, eta lizitatzaillei epe bat emango zaie –ez hiru egun baliodun baino gehiago–, akats edo hutsak kontratazio-mahaiaren beraren aurrean zuzentzeko edo betetzeko.

Aurreko lerrokan aipatutako zuzenketatik aparte, enpresaburuari argitasunak eskatu ahal izango zaizkio aurkeztutako ziurtagiri edo dokumentuei buruz, edo beste dokumentu osagarri batzuk aurkezteko galdegin, gaitasun- eta kaudimen-eskakizunak egiaztatze aldera. Eginkizun hori bost eguneko epean bete beharko du, eta dokumentuok ezingo dira aurkeztu hurrengo lerrokan aipatutako onarpen-deklarazioaren ondoren.

Behin dokumentazioa kalifikatuta eta, halakorik badago, akatsak edo hutsak zuzenduta, kontratazio-mahaiak zehaztuko du zein enpresak betetzen dituen azaleko orriko 33. puntuan finkatutako gaitasun- eta kaudimen-eskakizunak eta berariak ebatziko du zein izan diren lizitaziora onartuak eta zein ez, bai eta hauek ez onartzearen arrazoiak ere.

Esleipenerako oinarriak irizpide objektibo batzuk direnean, kontratazio-mahaiak, B gutun-azala kalifikatu ondoren, C gutun-azala irekiko du eta azaleko orriko 35. puntuan eskatutako dokumentu guztiak hartan dauden aztertuko du. Ondoren kontratazioa sustatzen duen zuzendaritzara bidaliko du, esleipen-irizpideei dagokien dokumentazioa, hango zerbitzu teknikoek txosten teknikoa egin dezaten eskaintzei buruz, non aztertuko eta baloratuko dituzten aipatutako esleipen-irizpideak.

8.2.- "A" GUTUN-AZALEAN JASOTAKO PROPOSAMEN EKONOMIKOAK JENDAURREAN IREKITZEA

Kontratazio-mahaiak, lizitazio-iragarkian zehaztutako tokian, egunean eta orduan, ekitaldi publikoan eta Herri Administrazioen Kontratuen Legearen Erregelamendu Orokorreko 83. artikuluan adierazitakoari lotuz iragarriko du zenbat proposamen jaso diren eta zein den lizitatzailen izena. Ekitaldi berean jakinaraziko du B gutun-azaleko dokumentuen kalifikazioaren emaitza, onartutako proposamenak eta onartu ez direnak adierazita, bai eta hauek ez onartzeko arrazoiak ere. Ondoren, onartutako eskaintzetako proposamen ekonomikoak irekiko dira, A gutun-azaletik hartuta, eta haiek irakurriko.



Azaleko orriko 34.4 puntuak esleitze-irizpideak baloratzeko fase bat baino gehiago jasotzen baldin baditu, proposamen ekonomikoa duen gutun azala ireki aurretik, kontratazio-mahaiak 34.4 puntuan ezarritako hurrenkerari jarraituz irekiko ditu fase horiei dagozkien dokumentazioa duten gutun-azalak, proposamen ekonomikoa duen gutun-azala izan ezik, eta dagozkien txosten teknikoak aztertu ondoren, hurrengo fasera pasatuko diren onartutako proposamenak, hurrengo fasera pasatuko ez direnak eta horretarako arrazoiak zehaztuko ditu. Proposamen edo eskaintza ekonomikoa irekitzeko ekitaldi publikoan, eta proposamen edo eskaintza horiek ireki baino lehen, lizitatzaillei jakinaraziko zaie zein izan diren lizitaziora onartutako enpresen eskaintza teknikoaren balorazioak.

8.2.1.- Ez dira onartuko honako proposamen hauek:

- a) Eusko Legebiltzarrak eskaintza aztertzeko ezinbestekoa duena garbi ikusteko biderik ematen ez dutenak, kontraesanak, hutsuneak, akatsak edo marratzeak direla eta.
- b) Aztertutako eta onartutako dokumentazioarekin bat ez datozenak.
- c) Lizitazioko aurrekontua gainditzen dutenak.
- d) I. eranskinean ezarritako proposamen-eredua modu nabarmenean aldatzen dutenak.
- e) Proposamenaren zenbatekoan ageriko akatsa dutenak.
- f) Enpresariaren edo enpresa sozialeko ordezkariaren sinadurarik ez daukatena.
- g) Lizitatzailleak aitortzen badu bideragarri ez izateko adinako akatsa edo funts-gabetasuna dutela.

Esleipen-irizpide bakarra baino ez dagoenean, kontratazio-mahaiak, ekitaldi berean, esleipen-proposamena egingo du preziorik baxuena egiten duen eskaintzaren alde, eta bertaratu diren lizitatzailleak gonbidatuko ditu adieraz ditzatela nahi dituzten ohar edo erreserbak. Ohar edo erreserba horiek idatziz adierazi beharko dituzte, ekitaldia egin eta ondorengo bi egun baliodunen barruan gehienez ere, eta beren idazkiak Eusko Legebiltzarreko Mahaira zuzendu. Mahaiak, kontratazio-mahaiaren txostena aztertu ondoren, ebatziko du kontratuaren esleipenaren prozedura, aurkeztutako erreklamazioari buruz ere bere iritzia emanez.

8.3.- TXOSTEN TEKNIKOAK

Esleipenerako oinarriak irizpide objektibo batzuk direnean, kontratazio-mahaiak, proposamen ekonomikoa ireki ondoren, azaleko orriko 35. puntuan eskatutako dokumentu guztiak bertan dauden aztertuko du. Ondoren kontratazioa sustatzen duen zuzendaritzara bidali ahal izango du esleipen-irizpideei dagokien dokumentazioa, hango zerbitzu teknikoek txosten teknikoak egin dezaten eskaintzei buruz, non aztertuko eta baloratuko dituzten aipatutako esleipen-irizpideak. Irizpideak besterik gabe formulak aplikatuta kuantifikatu daitezkeenean, kasu horretan, eskaintzen balorazioari dagokionez, bestela neurtu beharreko irizpideen aplikazioa egingo da lehenengo, eta agiri bidez jasota utziko da balorazio hori. Txosten hori kontratazio-mahaiari bidali beharko zaio, hark proposamenak, aktak, txosten teknikoak, bere esleipen-proposamena eta bere oharrak Eusko Legebiltzarrari helarazi diezazkion. Kontratazio-mahaiak, bere proposamena egin baino lehen, egoki irizitako txosten tekniko guztiak eskatu ahal izango ditu kontratazioaren esleipenari dagokionez.

Azaleko orrian nagusitasuna eman baldin bazaie balio-juzku baten arabera neurtu beharreko irizpideei, adituen lantalde bat eratu beharko da eskaintzen ebaluazioa egiteko, edo ebaluazio hori klausula-agiri honetako azaleko orriko puntuan identifikatutako erakunde tekniko espezializatuari gomendatuko zaio.

Azaleko orrian nagusitasuna eman baldin bazaie balio-juzku baten arabera neurtu beharreko irizpideei, adituen lantalde bat eratu beharko da eskaintzen ebaluazioa egiteko, edo ebaluazio hori klausula-agiri honetako azaleko orriko puntuan identifikatutako erakunde tekniko espezializatuari gomendatuko zaio.

Azaleko orriko 35. paragrafoan aurreikusita dagoenean, enkante elektronikoa egin ahal izango da Sektore Publikoko Kontratuen Legeko 132. artikulua erabera, prezio-hobekuntzak edo eskaintzen zenbait elementuri buruzko balio berriak aurkezteko, eskaintzak orokorrean hobetze aldera. Enkantea prozesu iteratibo gisa eratu da, eta eskaintzen lehenengo ebaluazio oso bat egin ondoren gauzatuko.

8.4.- LEHENTASUNAK ESLEITZEAN

Behin eskaintza abantailatsua erabakita, eta behin-behineko esleipen-proposamena egin aurretik, esleipeneko lehentasunak aplikatuko ditu kontratazio-mahaiak, betiere honako baldintzak hauek emanez gero:



1. Baldin eta lizitatzailleak aurkeztu badu klausula-agiri honetako 7.4.7 c) klausulan aipatutako dokumentazioa, esleipena egiteko orduan lehentasuna izango dute honako enpresa hauek, betiere esleipeneko irizpide objektiboen ikuspuntutik abantailatsuen den proposamena berdinduz gero:
 - a) Kaudimen teknikoak egiaztatzeko unean langile ezinduei dagokienez bere plantillan portzentaje handiena duen enpresa, baldin eta portzentaje hori plantillaren % 2 baino txikiagoa ez bada.
 - b) Gizarte-bazterketa jasaten duten pertsonak lan-munduratzeko eta sustatzeko lanetan espezifikoki ari diren enpresak, Lan Merkatuaren Erreformarako Premiazko Neurriei buruzko uztailaren 9ko 12/2001 Legearen bederatzigarren xedapen gehigarrian araututa daudenak.
 - c) Baldin eta bidezko merkataritzazko alternatiba duten produktuak badira kontratuen xede, bidezko merkataritzako erakunde gisa errekonozitutako erakundeak.
 - d) Izaera sozial edo asistentzialeko prestazioei buruzko kontratuak badira, irabazi asmorik gabeko erakundeak direnak.
2. Lehentasuna aplikatzeko orduan, ezaugarri bat baino gehiago biltzen duen enpresaren proposamenari emango zaio lehentasuna. Berdinketarik gertatuz gero, lehiaketaren kasuan, lehentasun-ordenaren arabera esleipen-irizpideetako batean puntuazio hobea duen eskaintzaren alde ebatziko da.
3. Aldi baterako enpresa-elkarteen kasuan, lizitatzaille bakoitzak elkartean duen portzentajearen arabera aplikatuko dira lehentasunak.

8.5.- KONTRATUAREN BEHIN-BEHINEKO ESLEITZEKO PROPOSAMENA

Azkenik, kontratazio-mahaiak Eusko Legebiltzarreko Mahaiari igorriko dizkio proposamen horiek – ordena beherakorrean sailkatuta–, aktak eta aurkeztutako gainerako agiri teknikoak, eta orobat behin-behineko esleipen-proposamena eta egoki irizitako oharra. Esleipen-proposamena egin baino lehen, eskaintza-egileei eskatu ahal izango zaie idatziz adieraz ditzatela eskaintzetako alderdiren bat ulertzeko beharrezko diren argibideak. Inola ere ez da onartuko, argibide-prozedura horretan, enpresa lizitatzailleak eskaintzan adierazitako baldintzak aldatzea. Hasieran proposatutako irtenbidearen azterketa erraztuko duen informazioa soilik izango da kontuan.

9.- KONTRATUAREN BEHIN-BEHINEKO ESLEIPENA

9.1.- Kontratazio-mahaiak proposatutako lizitatzaileri egingo dio kontratuaren behin-behineko esleipena Eusko Legebiltzarreko Mahaiak.

9.2.- Behin-behineko esleipenaren ebazpen motibatua lizitazioan parte hartu dutenei jakinaraziko zaie eta aldizkari ofizial batean edo kontratazio-organoaren kontratatzaile-soslaian argitaratu beharko da.

9.3.- Behin-behineko esleipena ezingo da behin betiko esleipen bihurtzea erabaki, harik eta hamabost egun baliodun igaro arte behin betiko esleipen hori aldizkari ofizial batean edo kontratazio-organoaren kontratatzaile-soslaian argitaratzen den biharamunetik hasita.

9.4.- Hamabost eguneko epe horretan, enpresa esleipendunak zerga-betebeharrak eta Gizarte Segurantzarekikoak egunean dituela egiaztatzen duten dokumentuak aurkeztu beharko ditu, bai eta kontratatze gaitasuna baduela edo Sektore Publikoko Kontratuen Legeko 53.2 artikulua arabera, kontratua gauzatze aldera konprometitutako edo esleitutako baliabideak kontratatze gaitasuna edo baliabide horiek badituela egiaztatzeko beste edozein dokumentu ere. Halaber, eskatzen baldin bada, dagokion bermea ere eratu beharko du.

Zerga-betebeharrak eta Gizarte Segurantzarekikoak egunean edukitzea egiaztatzeko, dagozkien ogasunek eta Gizarte Segurantzaren Diruzaintza Nagusiak hartarako egindako ziurtagiri administratiboak aurkeztu beharko dira, edo eskakizun horiek betetzeari buruz Kontratisten Erregistro Ofizialak eginda indarrean dagoen ziurtagiria, Herri administrazioen kontratuei buruzko Legearen Erregelamendu orokorreko 15. artikulua aurreikusitako norainokoa eta eran.

Hala ere, enpresak aurkeztu behar ez baditu Herri Administrazioen kontratuei buruzko Legearen Erregelamendu Orokorreko 13. artikulua (zerga-betebeharrak) eta 14. artikulua (Gizarte



Segurantzarekiko betebeharrak) aipatzen dituzten aitortenak edo dokumentuak, egoera hori egiaztatu egin beharko da notario aurrean egiaztatutako erantzukizunpeko adierazpenaren bidez.

9.5.- Kontratuaren behin betiko esleipena ezin baldin bazaio behin-behineko esleipena egin zaion enpresari egin, ez dituelako betetzen hartarako beharrezko baldintzak, orduan, deialdi berri bat egin baino lehen, Eusko Legebiltzarrak behin-behineko esleipena egingo ahal izango dio haren hurrengoko enpresari edo enpresei, betiere, hori posible bada eta esleipendun berriak bere adostasuna ematen badu. Kasu horretan, hamar egun balioduneko epea emango zaio aurreko paragrafoan adierazitakoa betetzeko.

9.6.- Eusko Legebiltzarreko Mahaiak, oinarri sendoz uste duenean proposamena ezingo dela bete, bertan balio anormalak edo neurritz gaineakoak sartu direlako, behin-behineko esleipena ez da egingo.

Halako kasuetan, proposamena egin duen enpresari entzun egingo zaio, eskaintzaren balorazioa justifikatu dezan eta eskaintzaren baldintzak zehaztu ditzan. Prozedura horretan kasuan kasuko zerbitzuaren aholkularitza teknikoa eskatu beharko da.

Eusko Legebiltzarreko Mahaiak uste baldin badu eskaintza ezin dela bete, hurrengo proposamenaren alde egingo da behin-behineko esleipena, betiere Eusko Legebiltzarrak nahi bezala bete daitekeela uste bada eta anormaltzat edo neurrigabetzat jotzen ez bada.

10.- KONTRATUA BEHIN BETIKO ESLEITZEA

Kontratuaren behin-behineko esleipena behin betiko bihurtu beharko da, 9.3 klausulan adierazitako epea bukatzen den biharamunetik hasita hurrengo hamar egun balioduneko epean. Hartarako, beharrezkoa izango da proposatutako enpresak aipatutako dokumentazioa aurkeztu izana eta behin betiko bermea eratu izana, halakorik exijitzerik baldin badago. Nolanahi ere, behin-behineko esleipena berrikusi ahal izango da errekurtsio berezi bidez, Sektore Publikoko Kontratuei buruzko Legearen 37. artikuluan xedatutakoaren arabera.

11.- ESLEIPENAK JAKINARAZTEA ETA PUBLIZITATZEA.

30.- Behin kontratuaren esleipena erabakita, lizitazioan parte hartu dutenei jakinaraziko zaie, Herri Administrazioen Araubide Juridikoaren eta Administrazio Prozedura Erkidearen azaroaren 26ko 1992/26 Legean aurreikusitakoari jarraituz.

Halaber, SPKLko 138. artikuluan aurreikusita dagoen publizitatea emango zaie esleipenei.

Eusko Legebiltzarreko Mahaiak esleipenari buruzko informazioa ez jakinarazteko eta ez argitaratzeko ahalmena edukiko du kontratuak konfidentziala izatera badu.

IV.- KONTRATUA FORMALIZATZEA

12.- KONTRATUA FORMALIZATU AURREKO BETEBEHARRAK

Behin betiko esleipenaren jakinarazpena jaso ondoren, enpresa esleipendunak honako dokumentu hauek aurkeztu beharko ditu kontratua formalizatzeko dagoen hamar egun balioduneko epearen barruan:

12.1.- Aldizkari ofizialetako iragarkien gastuak ordaindu direla egiaztatzea. Kontuan izan behar da kontratuaren esleipena jaso duen enpresak behin bakarrik ordaindu beharko dituela kontratuen iragarkiak Estatuko Aldizkari Ofizialean eta Euskal Herriko Agintaritzaren Aldizkarian.

12.2.- Baldin eta lanak aldi baterako enpresa-elkarte bati esleitzen bazaizkio, enpresa horiek elkarrekin horren eraketa egiaztatu beharko dute, eskritura publikoan, kontratua formalizatzeko emandako epearen barruan, bai eta aldi baterako enpresa-elkarteari izendatutako identifikazio fiskaleko kodea.



13.- KONTRATUA FORMALIZATZEA

13.1.- Kontratua formalizatzeko dokumentua esleipenaren jakinarazpena jaso eta hurrengo egunetik hasita hamar egun balioduneko epean emango da. Dokumentu hori administrazio-agiria izango da, eta Herri Administrazioen Kontratuei buruzko Legearen Erregelamendu Orokorreko 71. artikuluan aipatutakoarekin bat etorri beharko du.

Kontratatari egotz dakizkiokeen arrazoiengatik ezin bada kontratua formalizatu goian aipatutako epe horretan, Legebiltzarreko Mahaiak kontratua bertan behera uztea erabaki ahal izango du. Erabaki hori hartu baino lehen, ordea, nahitaez entzun beharko dio enpresa intesatuari esaten duena, eta erabakia hartzerakoan, indarrean dagoen legeriak ezarritako baldintzak bete beharko ditu.

Halako erabakia hartzen denean, kontratatari behin-behineko bermea kendu egingo zaio eta eragindako kalte eta galerak ordain ditzala eskatuko zaio.

V.- KONTRATUA EGIKARITZEA

14.- EGIKARITZEAREN ZUZENDARITZA ETA IKUSKARITZA

14.1.- Kontratua Eusko Legebiltzarreko Mahaiaren zuzendaritza, ikuskaritza eta kontrolaren menpean exekutatu da. Eusko Legebiltzarreko Mahaiak beharrezko jarraibideak eman ahal izango ditu hitzartutakoa behar bezala betetzen den begiratzeko.

14.2.- Hala ere, aipatutako zeregin hori kontratuaren zuzendaritzak eraman ahal izango du aurrera. Zuzendariak titulazio egokia eta nahikoa izan beharko du, eta bera izango da, halaber, hitzartutako horniketa behar bezala egiten ote den egiaztatzeko arduraduna.

Bere lana egiteko, hainbat laguntzaile izan dezake agindupean. Laguntzaileok, bere titulu profesionalen edo ezagutza espezifikoaren arabera egingo dute lan, eta horniketako zuzendaritza osatuko dute.

Legebiltzarreko Administrazioak izendatutako zuzendaritzaren berri emango dio enpresa kontratatari kontratua egin eta hurrengo hamabost egun naturalen barruan, eta zuzendaritza horrek, era berean, epe hori bera izango du laguntzaileen berri emateko.

Zuzendaria edo laguntzaile-talde hori aldatu behar izanez gero, hori ere kontratatari jakinarazi beharko zaio.

Kontratuaren zuzendaritza hor badago ere, Eusko Legebiltzarreko Mahaiak kontratuaren arduradun bat izendatu ahal izango du. Bere eginkizunak izango dira kontratuaren exekuzioa ikuskatzea, eta itundutako prestazioa zuzen burutu dadin bermatzeko beharrezko diren erabakiak hartzea eta aginduak ematea, hori guztia ematen zaizkion ahalmenen barruan.

15.- KONTRATUA EGIKARITZEARI BURUZKO ARAU OROKORRAK

15.1.- Entrega egiteko lekua eta epea.- Klausulen azaleko orriko 1. puntuan aipatutako ondasunak noiz eta non entregatu behar dituen orri horretako 11. eta 20. puntuetan dago zehaztuta, eta enpresa kontratatariak hala egin beharko du derrigor, eta betebeharrak teknikoaren eta administrazio-klausulen arabera jokatu gainera.

Hala ere, kontratua betetzen ari diren bitartean, Eusko Legebiltzarrak nahi badu, azaleko orriko 20. puntuan zehaztutako lekua ez den beste batean ezar dezake entrega-lekua, betiere, Euskal Autonomia Erkidegoaren barruan.

15.2.- Kontratuaren iraupena eta entrega-epeak.- Azaleko orriko 11. puntuan zehaztutakoak izango dira kontratuaren iraupena eta/edo ondasuna edo ondasunak entregatzeko epeak. Horniketa sustatu duen erakundeak edo unitateak enpresa kontratatari zerbitzua ematen hasteko agintzen dion egunetik aurrera hasiko dira zenbatzen epe horiek. Agindu hori idatziz, edo hala agindu diola jasota uzteko moduko beste edozein erataria emango dio, baina ezingo du izan kontratuaren formalizazio-eguna baino lehenago. Berehala izapidetu beharreko espedienteetan –hala deklaratu direnetan, alegia-, azaleko orriko 17.2.



puntuako behin betiko bermea osatuta badago, kontratua formalizatu gabe ere agindu dezake Eusko Legebiltzarrak kontratu hori betetzen hasteko. Klausula-agiri honetako 7.4.8 klausulan dago zehaztuta nola osatu beharko den berme hori.

Enpresa kontratista berandu ibiltzeak ez dakar Eusko Legebiltzarrak kargu hartu beharra.

15.3.- Ondasunak ordezkatzeta.- Eusko Legebiltzarrak, esleitutako kontratua bitarteko, eta kontratu hori betetzen ari den bitartean, oinarri teknikoen agirian eta agiri honetan zehaztutako eta aurreikusitako hornigaiak enpresa lizitatzailen proposamenetan jasotako prezioetan eskuratu ahal izango ditu, modeloak modelo eta markak marka.

Alde horretatik, hitzartutako ondasunen ordezkari beste hobeago batzuk ekarri nahi baldin baditu, enpresak hala proposatu ahal izango dio Eusko Legebiltzarreko Mahaiari, idatziz beti, bai eta hitzartutako baldintzak era batera edo bestera hobetu nahi baditu ere, baina kontratuaren xedearren prestazioetatik bestelakoak ez diren kasuan.

Eusko Legebiltzarreko Mahaiak, hornigaiak kudeatzeko organoaren eta zerbitzu juridikoaren txostena aztertu ondoren, erabakitzen badu komenigarria dela egindako proposamen berri hori onartzea, hartarako baimena eman ahal izango du ebazpen bidez, espedientean hori ondo jasota utziz. Nolanahi ere, enpresak ez du inolako ordain berezirik jasotzeko eskubiderik izango, bakar-bakarrik kontratuan hitzartutako prezioa ordaindua izatea.

15.4.- Hurrenez hurrengo entregaren zenbatekoa.- Hainbat ondasun hurrenez hurren ekartzea bada egin beharreko horniketa-lana eta prezioa unitatetako bada, Eusko Legebiltzarraren beharren arabera izango da ondasunen kopurua, eta ez dago gutxienezko bat eskuratzeko inolako obligaziorik.

15.5.- Instalazioa.- Baldin eta produktuak edo ondasunak higitzeko badira eta instalatu, funtzionamenduan jarri edo martxan ipini beharra badaukate, enpresa kontratista behartuta egongo da lan horiek egitera, oinarri teknikoen agirian zehazten den bezala, eta eskaini zuen prezioaren barruan sartuta egongo da lan horien prezioa ere.

15.6.- Ondasunak eta jarraibideak jasotzea.- Eusko Legebiltzarrak hornigaiak jasotzen duenean, orduan joko da egindakotzat entrega, kontratuko baldintzen arabera. Nolanahi ere, jasotze horrek, erabatekoa edo zatikakoa izanda ere, zuzendaritza horren egintza formal eta positiboa eskatuko du, eta egintza hori jasotze-aktaren bidez dokumentatuko da, zuzendaritza eskudunak berak egingo duena. Jasotze-egintza entregaren ondoren egiten baldin bada, Eusko Legebiltzarrak arduratuko da ondasunak zaintzeaz baterean eta bestearren arteko denbora tartean.

Kontratua nola bete, hitzartutakoa nola jaso, entrega hori nola izapidetu, kitapena nola egin edo ordainketa nola egin argitze aldera, horniketa kontratatutako eskudunak diren organoek, beren eskumenen eremuan, egokitzat jotzen dituzten jarraibideak eman ahal izango dituzte. Jarraibide horiek, ordea, ezingo dute kontraesanegon egon sektore publikoko kontratuak erregulatzeko legerian eta klausula-agiri honetan xedatutakoarekin.

15.7.- Eusko Legebiltzarrak jasotzen berandutzea.- Bidezko arrazoirik gabe Eusko Legebiltzarrak hornigaiak berandu jasotzen baditu, enpresa kontratistak salatu egin beharko du, ondorioak izan ditzan. Halakoetan, ondasunak entregatzen eta jasotzen diren bitarte horretan, Eusko Legebiltzarrak izango du ondasun horiek zaintzeko ardura.

15.8.- Galerak edo kalteak entrega egin aurretik.- Eusko Legebiltzarraren esku utzi aurretik, ondasunak galdu edo hondatu egiten bazaizkio edo kalterik sotzen badio, enpresa esleipendunak ez du izango inongo kalte-ordainik jasotzeko eskubiderik, hornigaiak edozein delarik ere, non eta Eusko Legebiltzarrak bera ez den hornigaiak berandu jasotzen duena.

15.9.- Entrega-, garraio- eta instalazio-gastuak.- Hornigaiak hitzartutako tokian entregatzeko, haraino garraiatzeko eta han instalatzeko gastuak enpresa esleipendunak berak ordaindu beharko ditu, eta eskaintzaren barruan sartuta egon beharko dute, agiri honetako 7.3.1 klausulan jartzen duen moduan.

16.- ENPRESA KONTRATISTAREN BESTE BETEBEHAR BATZUK

16.1.- Enpresa kontratistak lan arloan indarrean dauden xedapenak bete beharko ditu, bai eta Gizarte Segurantzakoak eta laneko segurtasun eta osasunekoak ere, eta orobat kontratuaren exekuzioan zehar



indarrean sartzen direnak. Betebehar horiek betetzen ez baditu, horrek ez dakar inolako erantzukizunik Eusko Legebiltzarrarentzat.

16.2.- Horniketa egikaritzeko lanen ondorioz kalterik edo galerarik eraginez gero inori, enpresa kontratistak ordaindu beharko ditu kalte-ordainak, Sektore Publikoko Kontratuei buruzko Legeko 198. artikuluan xedaturikoaren arabera.

16.3.- Beharrezko lizentzia eta administrazio-baimenak lortzea enpresa esleipendunaren kontura izango da beti, baita ondasunak inportatzeko bada ere, eta bere izenean eskatu beharko ditu.

16.4.- Horniketa-kontratu batzuetan baliteke Eusko Legebiltzarrak jartzea beharrezko material guztiak edo batzuk. Halakoetan, ondasunak esleipena duen enpresaren ardurapean egongo dira, zeinak zaindu eta atzera itzuli egin beharko baititu. Ondasun horiek zaintzea edo galtzea dela-eta, Kode Zibilean, Merkataritzako Kodean eta Zigor Kodean xedaturik dagoena bete beharko da.

16.5.- Kontratua gauzatzeko hizkuntza-baldintzak.- Kontratuaren ondorioz Legebiltzarreko Administrazioarekin izan beharreko harremanetan euskara erabiliko da kontratuaren gauzatzeari dagokionetan, betiere, enpresa kontratistaren egoera soziolinguistikoak horretarako aukera ematen badu. Horretarako:

- a) Legebiltzarreko Administrazioarekiko harremana euskaraz gauza dadin ahalbidetzeko, euskarazko behar adinako gaitasun linguistikoa duten langileak izendatuko ditu enpresa kontratistak kontratua gauzatzeko eginkizunetarako. Ondorioz, kontratua egikaritzeko izendatzen diren langileen eta Legebiltzarreko Administrazioaren arteko ahozko harremanak, euskaraz gauzatuko dira nagusiki.
- b) Idatzizko komunikazioak euskaraz eta gaztelaniaz egingo dira, igorleak eta hartzaileak euskara hautatzen dutenean izan ezik.

16.6.- Kontratua gauzatzeko baldintza bereziak, sozialak edo ingurumenekoak.- Azaleko orriko 30. puntuan hala aurreikusi bada, enpresa esleipendunak puntu horretan zehaztutako gizarte- edo ingurumen-baldintza bereziak aplikatuko ditu kontratua egikaritzean.

16.7.- Kontratuak izaera konfidentziala edukiko du. Beraz, enpresa hornitzaileak ezin izango du beretzat erabili edo hirugarren bati eman kontratatutako prestazioetako datu edo informaziorik, Legebiltzarreko Administrazioaren idatzizko baimenik gabe. Ondorioz, enpresa behartuta egongo da informazioaren eta egindako lanaren izaera konfidentzial eta erreserbatu hori gordetze aldera, bere esku dauden neurri guztiak jartzera.

17.- AKATSAK KONPONTZEKO BETEBEHARRA

17.1.- Enpresa kontratistak eman beharreko ondasunek, horiei buruz Estatuko, erkidegoko eta tokiko administrazioek ezarritako arau orokor guztiak bete beharko dituzte, betiere, dagokion oinarri teknikoen agirian ezarri ahal izan diren arau espezifikoei kalterik egin gabe.

17.2.- Hornigaien jabetza intelektual, industrial eta komertzialari buruz hirugarren batek egiten dituen erreklamazio guztien erantzule izango da enpresa kontratista, eta Eusko Legebiltzarrak erreklamazio horiek ezarri izanaren ondorioz jasan ditzakeen kalte-galerak ordaindu beharko ditu, horietatik eratorritako gastuak barne.

Fabrikazio-horniduraren kasuan, ustiapen ekonomikoa izan dezaketen jabetza industrial eta intelektualeko eskubideak Eusko Legebiltzarrarenak izango dira, klausula-agirietan edo azaleko orrian berariaz kontrakoa esaten denean izan ezik.

17.3.- Enpresa kontratista izango da ondasunen kalitatearen eta, halakorik badago, akatsen erantzulea. Akats horiek administrazioaren agindu batek edo Eusko Legebiltzarrak ezarritako baldintzek zuzenean eragin badituzte, orduan bakarrik geratuko da erantzun beharretik libre.

18.- EUSKO LEGEBILTZARRAREN AHALAK



Eusko Legebiltzarrak dena delako produktua nola egiten duten ikuskatzeko eta, hala eskatzen denean, gai horretaz informazioa jasotzeko ahalmena izango du. Ondorioz, erabili behar dituzten materialei dagokienez azterketak, saiakerak eta probak egin ahal izango ditu bere kasa, edo egiteko agindu, baita kalitatea kontrolatzeko sistemak antolatu ere, eta orobat hitzartutakoa zorrotz bete dadin beharrezkoak iruditzen zaizkion xedapenak eman.

19.- ENPRESA KONTRATISTARI EGIN BEHARREKO ORDAINKETAK

19.1.- Hornigaiak benetan entregatzen baditu eta Eusko Legebiltzarrak formalki jasotzen baditu, enpresa kontratistak eskubidea izango du hornigai horien prezioa ordain dakion, kontratuan jasotako baldintzen arabera.

19.2.- Egindako lana ordaindu izana egiaztatzeko, kontratu osoa edo haren zati bat burutu dela egiaztatzen duten dokumentuak erabiliko dira –ordainagiriak, lansarien kontuak, eta abar–, klausula-agiri honen azaleko orrian xedatzen den maiztasunarekin eta Sektore Publikoko Kontratuen Legeko 200. artikuluan ematen dien izaerarekin.

19.3.- Azaleko orriko 14. puntuan hala jartzen badu, eta enpresa kontratistak aurretiaz idatziz eskatzen badu, konturako ordainketak egin ahal izango dira, kontratua exekutatzeko prestatze-lanen diru-kopuruagatik, lan horiek kontratuaren gaiaren barruan dauden kasuetan. Horretarako, baldintza eta forma batzuk bete beharko dituzte: zerbait fabrikatzea bada hornigaia, Herri Administrazioen Kontratuei buruzko Legearen Erregelamendu Orokorreko 155etik 157ra arteko artikuluetan zehaztutakoak, eta gainerako kasuetan, Administrazio Klausula Orokorren Agiriko 39. klausulan zehaztutakoak (1972ko martxoaren 8ko Aginduaren bidez onartu zen klausula-agiri hori).

19.4.- Azaleko orriko 9.2 puntuan hala aurreikusita baldin badago, hitzartutako ondasunen antzeko beste batzuk emanez ordainduko da, zati batean, horniketa-lana.

Azaleko orriko 9.2 puntuan dago zehaztuta entregatu beharreko ondasunen balorazioa, baina inola ere ezingo du gainditu kontratuaren prezio osoaren % 50.

Eusko Legebiltzarreko ondasunen entrega egiteko, Sektore Publikoko Kontratuen Legearen 27. artikuluan xedatutakoari jarraituko zaio.

19.5.- Eusko Legebiltzarrak ordainketan bi hilabete baino gehiagoko berandutzea duenean, berandutze-interesak eta kobro-kostuengatik kalte-ordaina ordainduko dizkio enpresa kontratistari, merkataritza-eragiketetako berankortasuna borrokatzeko neurriak zehazten dituen legean aurreikusitako eran.

19.6.- Ezin izango da inolako ordainketarik egin, harik eta dagokion kontratua formalizatu arte.

20.- KONTRATUA ALDATZEA ETA ETETEA

20.1.- Premia berririk sortuz gero edo ustekaberik gertatuz gero, Eusko Legebiltzarrak kontratua aldatzeko aukera izango du. Halakoetan, Sektore Publikoko Kontratuei buruzko Legeko 202 eta 272. artikuluetan jartzen duena aplikatuko da.

20.2.- Eusko Legebiltzarrak ezin du hitzartuta ez dagoen beste prestaziorik negoziatu enpresa kontratistarekin. Halako prestazioren bat beharrezkoa dela uste badu, kontratu independente baten gaitzat hartuko dira, eta, hortaz, sektore publikoko kontratuak erregulatzeko legerian aurreikusitako izapideak beteko dira.

20.3.- Kontratuan aldaketak egiteko, Sektore Publikoko Kontratuei buruzko Legearen 140. artikuluan xedatutakoari jarraitu beharko zaio.

20.4.- Kontratua suntsitzeko arrazoi izango dira honako kasu hauek: kontratuan aldaketak egitea, eta horiek, elkarren segidakoak izan arren, bakarka edo multzoka hartuta, kontratuaren prezio zaharrean – balio erantsiaren gaineko zerga kontuan hartu gabe– % 20ko gorabeherak eragitea bai gorantz bai beherantz, edo kontratuaren beraren funtsa aldaraztea.

20.5.- Kontratua eteteari dagokionez, Sektore Publikoko Kontratuei buruzko Legearen 202. artikuluan xedatutakoari jarraituko zaio.



21.- KONTRATUA LAGATZEA ETA AZPIKONTRATATZEA

21.1.- Gai honi dagokionez Sektore Publikoko Kontratuei buruzko Legearen 209. eta 210. artikuluetan aurreikusitakoari jarraituko zaio.

21.2.- Klausula-agiriaren azaleko orrian azpikontratazioa galarazten ez bada, eta zenbait kontraturen berariazko eskakizunak ere bete beharra kendu gabe, enpresa kontratistak, oro har, egiaztatu egin beharko ditu honako zehaztasun hauek:

21.2.1.- Kontratuaren zati bat edo batzuk exekutatzeko, zein azpikontratatistarekin egingo duen hitzarmena eta kontratuaren zein zati azpikontratatu duen. Sektore Publikoko Kontratuei buruzko Legearen 210. artikulua 2.a) idatz-zatian eta klausula-agiri honetako azaleko orrian xedatutakoa bete beharko da azpikontratatzekoan.

21.2.2.- Sektore Publikoko Kontratuei buruzko Legearen 210. artikulua 5. paragrafoan ezarritako baldintza betetzea, hots, ordenamendu juridikoaren arabera kontratuak egiteko gaitasunik gabe utzitako pertsonekin, 49. artikuluan jasotako kasuetan aipatutako pertsonekin.

21.2.3.- Prezioari dagokionez, prezio hitzartua enpresa azpikontratista edo hornitzaileekin Sektore Publikoko Kontratuei buruzko Legearen 211. artikuluan zehazten diren epe eta baldintzekin hitzartu beharra betetzea.

21.3.- Zehaztasun horiek egiaztatze aldera, enpresa esleipendunak honako dokumentu hauek aurkeztu beharko ditu:

21.3.1.- Azpikontratazioa formalizatu aurreko komunikazio idatzia. Agiri horretan hauek adierazi beharko dira: zein azpikontratatistarekin hitzartuko duen kontratuaren zati baten edo batzuen gauzatzea eta kontratuaren zein zati azpikontratatu diren.

21.3.2.- Komunikazio horri alde biek sinatutako dokumentu baten zirraborra erantsiko zaio, agiri hori enpresa azpikontratista eta hornitzaile bakoitzak sinatzeko. Agirian, Sektore Publikoko Kontratuei buruzko Legearen 211. artikulua xedatzen duenari jarraituz hitzartu beharko dituzte alde biek ordainketa-epe eta -baldintzak.

21.3.3.- Honako egiaztagiri hauek ere gehituko zaizkio 21.3.1 puntuan aipatutako komunikazioari:

- a) Agiri bat, Sektore Publikoko Kontratuei buruzko Legearen 49. artikuluan kontratuak egiteko ezarritako debekuetako batek ere –21.2.2 klausulan aipatutako baldintzetan– ez diela eragiten egiaztatzeko. Egiaztapen hori lekukotza judizialaren bidez edo administrazio-ziurtagiriaren bidez egin ahal izango da, kasuak kasu. Eta agintaritzaren eskudunak ezin badu agiria eman, horren ordez erantzukizunpeko adierazpena aurkeztu ahal izango da (IV. eranskina), administrazio-agintaritza, notario publiko edo lanbide-erakunde kualifikatu baten aurrean emandakoa. Horrelakoetan, azpikontratista pertsona juridikoa bada, adierazpena sinatzen duenak ahalmen-agiria aurkeztu beharko du, enpresa Eusko Legebiltzarraren aurrean ordezkatzeko gaitasuna baduela egiaztatzen duena, eta pertsona fisikoa bada, nortasun-agiri nazionala.
- b) Indarrean dagoen legeriak ezarritako zerga-betebeharrak eta Gizarte Segurantzarekikoak betetzeari dagokionez, Herri Administrazioen Kontratuen Legearen Erregelamendu Orokorreko 15. artikuluan ezartzen den moduan egiaztatu ahal izango da betebeharrak bete izana. Betebeharrak bete izana egiaztatzeko, egiaztagiri administratiboak aurkeztu beharko dira. Egiaztagiriok, kasuan kasuko ogasunek (Estatuko Ogasunak edo foru-ogasunak, sozietateen gaineko zergan ageri den eragiketa-kopuruaren arabera) eta Gizarte Segurantzako Diruzaintza Orokorrek eman beharko dute. Aldiz, jarduera ekonomikoaren gaineko zergari dagokionez, alta-agiria eta, beharrezkoa bada, azkenengo ordainagiria aurkeztu beharko dira.
- c) Kontratatzeko ahalmena egiaztatzeko prozedura baten bidez Kontratisten Erregistro Ofizialean izena emanda dauden enpresa azpikontratistei dagokienez, erregistroko legelari arduradunak emandako egiaztagiri baliodunaren kopia baino ez dute aurkeztu beharko (Kontratisten Erregistro Ofizialari eta sailkapenak ezartzei buruzko otsailaren 3ko 12/1998 Dekretuak arautzen du delako erregistroa). Horrela, ez dituzte aurkeztu eta egiaztatu beharko aurreko 1) eta 2) puntuetan adierazitako dokumentu eta inguruabarrak.



21.4.- Azpikontratazioa formalizatu baino gutxienez egutegiko 15 egun lehenago, enpresa esleipendunak 21.3 klausulan aipatzen diren dokumentuak aurkeztu beharko ditu kontratazio-organoaren aurrean. Azpikontratazioa formalizatu ondoren, 21.3.2 klausulan aipatutako dokumentua –alde biena eta jatorrizkoa– aurkeztu beharko du enpresa esleipendunak kontratazio-organoaren aurrean, behar bezala izenpetuta. Enpresa esleipendunak betebeharrak ez badu, edo ezarritako gainerako baldintzak bete behar ez baditu, ezin izango du azpikontratazio hori egin.

VI.- KONTRATUA AMAITZEA

22.- HORNIKUNTZA JASOTZEA

22.1.- Enpresa kontratistak kontratuaren xedea oso-osorik bete duenean, kontratuan ezarritako baldintzen arabera eta Eusko Legebiltzarraren gogoaren arabera, orduantxe joko da kontratua betetzat.

22.2.- Kontratua bete dela agerian gera dadin, Eusko Legebiltzarrak prestazioak jasotzeko egintza formal eta positibo bat egin beharko du edo adostasun-egintza bat; hilabeteko epea izango du horretarako, kontratuaren xedea eskuratu edo gauzatu denetik hasita, edo klausula-agiri honen azaleko 29.1 puntuan zehazten den epea.

22.3.- Kontratuan zehaztutako tokian eta egunean entregatu beharko ditu enpresa kontratistak horniketaren gai diren ondasunak, enpresak berak edo, bestela, eskuordetze baimendu bidez. Enpresa kontratista berandu ibiltzeak ez dakar Eusko Legebiltzarrak kargu hartu beharra.

22.4.- Horniketaren gai diren ondasunak hitzarturiko tokira garraiatzeko eta entregatzeko gastuak enpresa kontratistak ordaindu beharko ditu, non eta ez den besterik erabaki.

22.5.- Ondasunak ez badaude jasotzeko moduan, hala zehaztu beharko da jasotze-aktan, eta behar diren aginduak emango zaizkio enpresa kontratistari erreparatutako akatsak konpontzeko edo hitzartutakoari egokitutako beste horniketara bat egiteko.

23.- BERME-EPEA

23.1.- Klausula-agiri honen azaleko orriko 28.2 puntuan zehaztuta dagoena izango da berme-epea, eta hornigaiaren jasotze-egintzatik hasita kontatuko da. Epe hori igarotzen bada Eusko Legebiltzarrak eragozpenik jarri gabe, amaitutzat joko da enpresa kontratistaren erantzukizuna.

23.2.- Berme-epeak irauten duen bitartean, enpresa kontratistak eskubidea edukiko du entregatutako ondasunen aplikazioari buruz informatua izateko eta bere iritzia entzunarazteko.

23.3.- Berme-epeak irauten duen bitartean egiaztatzen bada entregatutako hornigaiak akatsak edo okerrak dituztela, enpresa kontratista behartuta egongo da, Eusko Legebiltzarrak hautatuta, edo desegokiak direnak beste batzuekin ordezkatzera, edo, nahikoa bada, behar diren konponketak egitera.

23.4.- Berme-epeak irauten duen bitartean antzematen diren aldaketa-beharrak eta konponketa-beharrak bere kontura egin beharko ditu enpresa hornitzaileak, harik eta betebeharrak teknikoaren klausula-agirian jarritako mailara iritsi arte.

23.5.- Berme-epeak irauten duen bitartean Eusko Legebiltzarreko Mahaiak uste badu entregatutako ondasunak ez direla baliagarriak lortu nahi zen helbururako, eta hori ondasunetan antzemandako akatsak edo okerrengatik dela eta makur horiek enpresa kontratistari egotzi ahal zaizkiola, eta uste badu ondasunok ordezkatzera edo konpontzera ez dela nahikoa jarritako helburua betetzeko, kasu horretan, ondasunak ezetsi egin ahal izango ditu epe hori amaitu baino lehen, eta enpresa kontratistaren esku utziko ditu. Halakoetan, Eusko Legebiltzarrak ordaintzeko betebeharratik libre geratuko da, edo hala dagokionean, ordaindutako prezioa berreskuratzeko eskubidea izango du.

23.6.- Berme-epea amaitzen bada eta Eusko Legebiltzarrak ez badu formalizatu aurreko paragrafoetan aipatutako eragozpen edo salaketarik, hortik aurrera enpresa kontratistak ez du erantzukizunik izango entregatutako ondasunei dagokienez.



24.- KONTRATUA KITATZEA

Jasotze-aktaren egunetik hasi eta hilabeteko epearen barruan, kontratuaren likidazioa egin eta enpresa kontratistari jakinarazi beharko zaio, eta, hala badagokio, likidazio horren emaitza ordaindu egin beharko zaio. Likidazioaren emaitza ordaintzerakoan berandutzerik izaten bada, enpresa kontratistak berandutze-interesak eta kobrantza-kostuengatik kalte-ordaina jasotzeko eskubidea edukiko du, merkataritza-eragiketarako berankortasuna borrokatzeko neurriak zehazten dituen legean aurreikusitako eran.

25.- KONTRATUA AZKENTZEA

25.1.- Betetzeagatik edo suntsitzeagatik azkentzen da kontratua.

25.2.- Kontratua suntsitzeko arrazoiak dira, hain zuzen, klausula-agiri honetan berariaz jasotakoak eta Sektore Publikoko Kontratuei buruzko Legearen 206. eta 275. artikuluetan jasotakoak.

Ondorioz, kontratua suntsitzeko arrazoiak izango da enpresa kontratistak ez betetzea klausula-agiri honetan zehaztuta dagoen nahitaezko betebeharrak.

25.3.- Kontratua suntsitzearen ondorioei dagokienez, Sektore Publikoko Kontratuei buruzko Legearen 208 eta 276. artikuluetan ezarritakoari jarraituz erabakiko dira.

26.- BERMEA ITZULTZEA

Berme-epea amaitu (azaleko orriko 29.2. puntuan dago zehaztuta zein den), kontratua kitatu eta kontratu hori behar bezala beteta, orduan hartuko du bermea itzultzeko edo ezeztatzeko akordioa Eusko Legebiltzarreko Mahaiak.

Kontratua amaitzen denetik urtebete igarota oraindik ez bada horniketa formalki jaso ez likidaziorik ere egin, eta horren arrazoiak ezin bazaizkio enpresa kontratistari egotzi, orduan, gehiago luzatu gabe, bermea itzuli edo ezeztatu egingo da. Horretarako, ordea, beharrezkoa izango da Sektore Publikoko Kontratuei buruzko Legearen 88. artikuluan aipatzen den erantzukizun-kasurik ez gertatzea.

27.- EPEAK EZ BETETZEA

27.1.- Baldin eta enpresa kontratistak, berari egotzi dakizkiokeen arrazoiengatik, berandutzea izan badu klausula-agiri honen azaleko orriko 11.1 puntuan ezarritako zatikako epeak betetzeari dagokionez, edo epe horiek betetzean berandutzeak modu arrazoitsuan pentsarazten baldin badu ezinezkoa izango dela gutzitzeko epea betetzea, edo epea bete ez badu, kasu horietan, Eusko Legebiltzarreko Mahaiak neurri hauetako bat erabaki ahal izango du, berak nahi duena: edo kontratua suntsitzea eta bermea galtzea, edo Sektore Publikoko Kontratuei buruzko Legearen 196.4 artikuluan ezarritako zigorrak edo, bestela, klausula-agiri honen azaleko orriko 25. puntuan jasota dauden zigorrak ezartzea.

27.2.- Berandutzeagatik zigorrak kontratuaren prezioaren % 5eko multiplo batera iristen diren bakoitzean, kontratazio-organoak ahalmena izango du erabakitzeko kontratua suntsituko duen edo zigor berri batzuk ezarrita kontratuaren exekuzioa jarraituko duen.

27.3.- Aurreko kasu horiei dagokienez, kontratazio-organoak kontratua suntsitzea hautatzen badu, suntsipena Herri Administrazioen Kontratuei buruzko Legearen Erregelamendu Orokorreko 109. artikuluan araututako prozeduraren bidez erabakiko du organo horrek.

VII.- ERREKURTSOAK, EUSKO LEGEBILTZARRAREN ESKUBIDEAK ETA JURISDIKZIO ESKUDUNA.

28.- ERREKURTSOAK. KONTRATAZIO-ARLOKO ERREKURTSO BEREZIA



28.1.- Erregulazio harmonizatuaren menpe dauden kontratuetan, errekurtsio berezia eduki ahal izango dute behin-behineko esleipen-erabakiak, lizitazioa erregulatzeko klausula-agiriak, prestazioaren ezaugarriak finkatzen dituzten egintzak eta aurreko prozeduran erabakitako tramite-egintzak. Azkenengo horiei errekurtsio berezia egiteko, ordea, esleipenari buruz ebatzi beharko dute zuzen edo zeharka, prozedura jarraitzeko ezintasuna erabaki beharko dute edo eskubideei edo bidezko intereseei defentsa-gabezia edo kalte konponezina eragin beharko die.

28.2.- Kontratazio arloko errekurtsio berezia, Sektore Publikoko Kontratuei buruzko Legearen 37. artikuluan arautua, administrazioarekiko auzi-errekurtsioa jarri baino lehen aurkeztu beharko da. Bere eremuan, ordea, ezingo da administrazio-errekurtsio arruntik jarri.

28.3.- Erregulazio harmonizatuaren menpe ez dauden kontratuetan, bidezko administrazio-errekurtsioak Herri Administrazioen Araubide Juridikoaren eta Administrazio Prozedura Erkidearen 30/1992 Legean aurreikusitakoak izango dira.

29.- EUSKO LEGEBILTZARRAREN ESKUBIDEAK ETA JURISDIKZIO ESKUDUNA.

29.1.- Eusko Legebiltzarreko Mahaiak ahalmena izango du administrazio-kontratua interpretatzeko, kontratua betetzeak sor ditzakeen zalantzak argitzeko, interes publikoko arrazoiak direla-eta kontratua aldatzeko, kontratua suntsipena erabakitzeko eta suntsipenaren ondorioak zehazteko. Hori guztia egiteko, kontuan hartu behar da zeintzuk diren Herri Administrazioen Kontratuen Legean ezarritako mugak, baldintzak eta ondorioak.

29.2.- Horretarako erabakiak hartu baino lehen, entzun egin beharko zaio enpresa kontratistari eta txostena egin beharko du dagokion zerbitzu juridikoak. Erabakiok berehala eta nahitaez betetzekoak izango dira eta administrazio-bidea amaituko dute, indarrean dauden legerian ezarritako eskakizunak beteta.

29.3.- Administrazio-bidea amaitzen duten erabaki guztien aurka administrazioarekiko auzi-errekurtsioa jarri ahal izango da, Administrazioarekiko Auzien Jurisdikzioa Arautzen duen Legearen arabera. Eta aukeran, Administrazio Prozedura Erkidearen Legeari jarraituz, berraztertzeko errekurtsioa jarri ahal izango da ebazpena eman duen organo beraren aurrean.



**KLAUSULA AGIRIAREN I. ERANSKINA
PROPOSAMEN EKONOMIKOAREN EREDUA**

DATU PERTSONALAK Izen-abizenak: Helbidea: Nortasun-agiri nazionala: Ordezkatzen duen enpresa (bere kabuz ari ez bada) Enpresaren izena: Helbidea: Posta-kodea: Telefonoa: Identifikazio fiskaleko kodea:

HONAKO HAU ADIERAZTEN DUT:

I.- Izan dut, bai, dena delako kontratua esleitzeko lehiaketa-iragarkiaren berri. Hauxe da kontratuaren xedea:

.....
.....

II.- Halaber, ezagutzen ditut klausula teknikoaren agiria, administrazio-klausula berezien agiria eta kontratu hau zuzenduko duten gainerako agiriak. Horiek guztiak berariaz onartzen ditut eta men egiten diet.

Ordezkatzen dudako enpresak, zabaldu, instalatu eta jardunean jartzeari dagokionez, indarrean dauden legeek eskatutako baldintza eta beharrezko guztiak betetzen ditu. Bestalde, eskaintza prestatzerakoan kontuan izan ditu enplegua babesteari, laneko baldintzei, lan-arriskuak prebenitzeari eta ingurumenari zaintzeari dagokionez indarrean dauden xedapenetatik eratorritako betebeharrak guztiak.

IV.- Eskaintza honen prestazioari dagokionez, prestazioa emateko proposamen hau egiten dut: Oinarritzko konponbide edo bariantearen zenbakia (zehaztu beharrekoa zehaztu):
..... Diru-kopurua guztira [*] (letraz idatzi):..... [**].

Eskaintako prezioaren barruan kontzeptu guztiak izango dira, baita balio erantsiaren gaineko zerga (BEZ) eta esleipenean ordaindu beharreko beste edozein zerga edo gastu, eta orobat joan etorriak eta enpresa kontratistaren irabaziak ere. Epea (esleipena nori eman erabakitzeko irizpideetako bat baldin bada besterik ez):.....

Eskaintako guztizko diru-kopuruan sartuta daude euro [***], jasanarazi beharrezko BEZari dagokion zenbatekoa baita.

.....(e)koarena

Izpta.:
NAN:

[*] Kontratuaren gaia hurrenez hurren eta banakako prezioan eman beharreko prestazioak direnean, ez da bete beharke atal hau; bai aldiz proposamen ekonomikoaren dokumentua.

[**] Sortatan banatuta egonez gero, zehaztu zein sortatara lizitatzen den eta adierazi sorta bakoitzagatik eskaintako guztizko diru-zenbatekoa, zehaztuta BEZari dagokion kopurua, guztizko diru-zenbateko horren barruan dagoena.

[***] Salbuespen subjektiboaren kasuan, adierazi egin beharke da eta hori egiaztatzeko dokumentazioa erantsi.



KLAUSULA AGIRIAREN II. ERANSKINA

BESTE HOBKUNTZA BATZUK, ESKAINITAKO PREZIOA GEHITU GABE, EGITEKO PROPOSAMENA PRESTAZIO HAUEK KONTRATUAN ADIERAZITAKO BETEBEHARREI GEHITUKO ZAIZKIE ETA EZ DAUDE SARTUTA ESLEIPENERAKO BESTE IRIZPIDE BATZUETAN

DATU PERTSONALAK Izen-abizenak: Helbidea: Nortasun-agiri nazionala: Ordezkatzen duen enpresa (bere kabuz ari ez bada) Enpresaren izena: Helbidea: Posta-kodea: Telefonoa: Identifikazio fiskaleko kodea:

Azaleko orriaren 34.1 puntuan eta agiri honetako 7.3.3 klausulan ezarritakoaren arabera, beste hobekuntza batzuetarako proposamen batzuk egiten ditut, eskainitako prezioa gehitu gabe, zenbaki honetako oinarritzko konponbide edo barianteari dagokionez (zehaztu beharrekoa zehaztu):..... Kontratuan adierazitako betebeharrei gehitzeko prestazioak izango dira eta ez daude sartuta esleipenerako beste irizpide batzuetan.

Eskainitako hobekuntzetako bakoitza beregainekotzat jotzen da; beraz, Eusko Legebiltzarreko Mahaiak aukeran izango du kontratuaren barruan hobekuntzetako bat, batzuk edo eta bat ere ez sartzea.

HOBKUNTZAREN zenbakia	
Hobekuntzaren azalpena:	

HOBKUNTZAREN zenbakia	
Hobekuntzaren azalpena:	

HOBKUNTZAREN zenbakia	

.....,(e)koarena

Izpta.:
NAN:



KLAUSULA AGIRIAREN III. ERANSKINA

**BITARTEKOAK ATXIKITZEKO ETA EXEKUZIO-BALDINTZA BEREZIAK BETETZEKO
KONPROMISOA**

Kaudimen teknikoaren egiaztapena osatze aldera, enpresa lizitatuak, exekuziorako bitarteko material eta pertsonalei dagokienez, honako hauek atxikitze konpromisoa hartu beharko du:

I. Bitarteko materialak:

II. Bitarteko pertsonalak:

**BITARTEKOAK ATXIKITZEKO ETA EXEKUZIO-BALDINTZA BEREZIAK BETETZEKO KONPROMISO
ADIERAZPENA**

DATU PERTSONALAK Izen-abizenak: Helbidea: Nortasun-agiri nazionala: Ordezkatzen duen enpresa (bere kabuz ari ez bada) Enpresaren izena: Helbidea: Posta-kodea: Telefonoa: Identifikazio fiskaleko kodea:

HONAKO HAU ADIERAZTEN DU:

Kontratua egikaritzeko, besteak beste, honako hauek atxikitze konpromisoa hartzen duela: a) azaleko orrian exekuzio-baldintza berezi gisa jasotako bitartekoak, b) dokumentazio teknikoari buruzko gutun-azalean egiaztatutako bitartekoak, eta orobat, finkatuta baldin badaude, eranskin honetan adierazitako bitarteko pertsonal eta material konkretuak ere.

Eta hala jasota gera dadin, sinatu egiten dut adierazpen hau.(e)n,
..... (e)koaren (e)an.

Sinadura



KLAUSULA AGIRIAREN IV. ERANSKINA

**KONTRATATZEKO DEBEKURIK EZ EDUKITZEAREN ERANTZUKIZUNPEKO ADIERAZPENA
(notario aurrean formalizatu behar da)**

DATU PERTSONALAK Izen-abizenak: Helbidea: Nortasun-agiri nazionala: Ordezkatzen duen enpresa (bere kabuz ari ez bada) Enpresaren izena: Helbidea: Posta-kodea: Telefonoa: Identifikazio fiskaleko kodea:

..... zenbakidun espedienteari dagokionez,

HONAKO HAU ADIERAZTEN DU:

Ez ni, ez ordezkatzen dudana enpresa, ez enpresa horren administratzaile edo legezko ordezkarietako bat ere, ez gaude sartuta administrazio publikoekin kontratatzeari dagokionez Sektore Publikoko Kontratuei buruzko urriaren 30eko 30/2007 Legearen 49. artikuluan jasotako debeku-kasuetako batean ere.

Halaber, aipatutako enpresa hori egunean dago indarreko legeriak zerga-betebeharrak eta Gizarte Segurantzarekikoak betetzeari buruz agindutakoari dagokionez, eta konpromisoa hartzen dut ezen behin-behineko esleipendun izaten banaiz, esleipen hori argitaratu eta hamabost egun balioduneko epean egiaztatuko dudala eskakizun hori.

Eta hala jasota gera dadin, sinatu egiten dut adierazpen hau.(e)n,
..... (e)koaren (e)an.

Sinadura

() Adierazi espediente-zenbakia, administrazio-klausula berezietan agiriaren azaleko orriko 3. puntuan jasota dagoena.*



KLAUSULA AGIRIAREN V. ERANSKINA

ENPRESAK ESKAINITAKO INFORMAZIO BATZUEI IZAERA KONFIDENTZIALA EMATEKO EREDUA

DATU PERTSONALAK Izen-abizenak: Helbidea: Nortasun-agiri nazionala: Ordezkatzen duen enpresa (bere kabuz ari ez bada) Enpresaren izena: Helbidea: Posta-kodea: Telefonoa: Identifikazio fiskaleko kodea:

HONAKO HAU ADIERAZTEN DUT:

Kontratazio-espeditentearen zenbakia (*):..... Gutun-azala (adierazi zein gutun-azal den):..... Gutun azal honetan aurkeztutako dokumentazioari dagokionez, konfidentzialtzat jotzen dira eskaintzari buruzko honako informazio eta alderdi hauek, sekretu tekniko edo komertzialekin lotuta daudelako:

.....(e)koarena

Izpta.:
NAN:

(*) Adierazi espediente-zenbakia, administrazio-klausula berezien agiriaren azaleko orriko 3. puntuan jasota dagoena.



KLAUSULA AGIRIAREN VI. ERANSKINA

ATZERRIKO ENPRESEK AURKEZTU BEHARREKO DOKUMENTAZIOA

Europako Erkidegokoak bai baina espainiarrak ez diren enpresek ondoko dokumentazioa aurkeztu beharko dute B gutun-azalean:

1.- Enpresek jarduteko gaitasuna egiaztatu beharra daukate. Horretarako, erregistro profesional batean izena eman beharko dute, edo, bestela, Herri Administrazioen Kontratuei buruzko Legearen Erregelamendu Orokorreko I. eranskinean zehaztuta datozen egiaztagiria aurkeztu.

2.- Lizitatuzaileak bere izenean jarduten ez duenean edo pertsona juridikoa denean, ahalorde nahikoa aurkeztu beharko du. Ahalorde hori, gainera, ofizialki gaztelaniara edo euskarara itzulita aurkeztu beharko da.

3.- Kontratutik zuzenean edo zeharka erator daitekeen gorabehera orotarako, Espainiako edozein mailatako epaitegi eta auzitegien eskumenaren menpe jartzeko adierazpena. Adierazpen horren barruan sartuko da, hala badagokio, lizitatuzaileari egokitu dakikeen atzerriko eskumen-azuzitegiari uko egitea ere.

4.- Egiaztapena, Sektore Publikoko Kontratuei buruzko Legearen 49. artikuluan adierazitako gorabeheretako batean ere ez egotearena.

Egiaztapen hori lekukotza judizial edo administrazio-egiaztagiri bidez egin ahal izango da, kasuak kasu. Agintaritza eskudunak ezin baldin badu dokumentu hori eman, horren ordez erantzukizunpeko adierazpena aurkeztu ahal izango da (IV. eranskina), agintaritza administratibo, notario publiko edo erakunde profesional kualifikatu baten aurrean emandakoa. Kasuan kasuko estatuaren legeriak aukera ematen badu, agintari judizialaren aurrean emandako erantzukizunpeko adierazpenak ere balio izango du beste horien ordez.

5.- Europako Erkidegoko kasuan kasuko estatuko agintaritza eskudunak egindako egiaztagiria, dena delako enpresak, aginte esleituzailearen estatuko legezko xedapenen arabera, zerga-betebeharrak eta Gizarte Segurantzako kotizazioak egunean dituela egiaztatzeke. Agiri hau ere ofizialki gaztelaniara edo euskarara itzulita aurkeztu beharko du.

6.- Sailkapena eskatzen bada, Europako Erkidegokoak bai baina espainiarrak ez diren enpresentzat nahikoa izango da kontratazio-organoren aurrean gaitasun ekonomikoa, finantzariora eta teknikoa egiaztatzea, klausula-agiri honen azaleko orriko 31 puntuan eskatutakoaren arabera eta Sektore Publikoko Kontratuei buruzko Legearen 64. eta 66. artikuluei jarraituz.

Europako Erkidegoko estatuak euren enpresen alde egindako sailkapen-egiaztagiriek edo antzeko dokumentuek enpresa horien ustezko ahalmena adieraziko dute kontratazio-organoren aurrean, Sektore Publikoko Kontratuei buruzko Legearen 64.1.b) eta c), 65.a) eta 49.a), b), c), d), eta f) artikuluetan ezarritakoari dagokionez.

7.- Lizitatuzaileak, hala dagokionean, klausula-agiri honen azaleko orriko 17.1 puntuan eskatzen den behin-behineko bermea eman beharko du. Berme horrek kontratuaren aurrekontuaren % 3rainoko zenbatekoa eduki ahal izango du eta agiri honen 7.4.8 klausulan adierazitako moduan eratu da.

8.- Europako Erkidegokoak ez diren estatuak enpresa atzerriarrek, aurreko paragrafoetan azaldutako baldintzez gain, ondoko hauek ere egiaztatu beharko dituzte:

a) Jarduteko ahalmena egiaztatzea, enpresak egoitza duen lekuan Espainiak daukan diplomaziako ordezkari finkoak edo kontsultexeko bulegoak emandako txosten bidez. Txosten horrek honako hau adierazi beharko du, aurretiaz enpresak egiaztatutik: enpresa horrek izena emanda duela hango lanbide edo merkataritzako erregistroan edo antzekoan, eta halakorik ezean, kontratuaren gaiaren eremuko jardueretan aritzen dela. Alabaina, Europako Ekonomia Espazioari buruzko Akordioa sinatu duten estatuak enpresak baldin badira, jarduteko ahalmena eranskin honetako 1. puntuan aurreikusitakoari jarraituz egiaztatu beharko dute.

b) Enpresak egoitza duen lekuan Espainiak daukan diplomaziako ordezkari finkoak edo kontsultexeko bulegoak emandako txosten bidez, honako hau egiaztatzea: enpresaren jatorrizko estatuak funtsean modu berdinsuan onartzen duela Espainiako enpresek hango administrazioarekiko kontratazioetan parte hartzea, edo estatu horrek sinatua duela Merkataritzako Mundu Erakundearen



Kontratazio Publikoari buruzko Akordioa. Azken hori egiaztatzeko, Espainiak kasuan kasuko estatuan duen ordezkariak diplomatikoaren txostena beharko da.

c) Dokumentu bidez, Espainian helbidea duen sukurtsala irekita duela eta beharrezko eragiketarako ahalduak edo ordezkariak nominalki izendatu dituela.

d) Merkataritza Erregistroan inskribatuta dagoela, bai eta aurreko paragrafoan aipatzen diren ahalduen ahalordetzeak ere inskribatuta dituela.

e) Baldin eta kontratuaren zenbatekoa –balio erantsiaren gaineko zerga alde batera utzita– Sektore Publikoko Kontratuei buruzko Legearen 15. artikuluan ageri den zenbatekoaren berdina edo handiagoa bada, Merkataritzako Mundu Erakundearen Kontratazio publikoari buruzko akordioa sinatu duten estatuetako enpresei ez zaie eskatuko b) idatz-zatian aipatzen den elkarrekotasun-txostena.



KLAUSULA AGIRIAREN VII. ERANSKINA

**EUSKO LEGEBILTZARRAK ORDAINKETAREN ZATI GISA ESLEIPENDUNARI EMANGO DIZKION
MATERIALEN ZERRENDA**